

Grupa za zaštitu ljudskih prava definirala plan aktivnosti za 2000. godinu

Grupa za zaštitu ljudskih prava u čijem sastavu se nalaze čelni ljudi glavnih međunarodnih organizacija koje djeluju na prostoru BiH (OHR, OSCE, UNHCR i UNMIBH), kao i šefovi ostalih agencija, sastali su se u utorak, 25. januara, kako bi odredili prioritete u oblasti ljudskih prava za 2000. godinu.

Sastankom je predsjedavao Visoki predstavnik, Wolfgang Petritsch, a prisutan je bio i Specijalni izvjestitelj UN-a o ljudskim pravima, Jiri Dienstbier. Na sastanku je zaključeno da opstrukcije od strane zvaničnih organa i dalje predstavljaju glavnu prepreku potpunom ostvarenju ljudskih prava u Bosni i Hercegovini. Njihovo opstruiranje sprečava punu provedbu mira i ispunjavanje obaveza države Bosne i Hercegovine.

Iako Grupa za zaštitu ljudskih prava uvidja napredak koji je postignut u protekle četiri godine, nakon potpisivanja Daytonskog sporazuma (na primjer, više ne postoje vrlo ozbiljne fizičke prijetnje sigurnosti), ljudska prava se i dalje krše, što čini život običnih građana nesigurnim i složenim.

Eliminiranje diskriminacije u svim oblastima predstavlja glavni cilj u 2000. godini. Svim Bosancima i Hercegovcima, bez obzira na etničku pripadnost, spol ili političko ubjedenje, organi vlasti, bez obzira da li se radi o policiji, sudskim organima ili organima uprave, moraju pružiti jednak tretman.

Implementacija imovinskih zakona i eliminacija diskriminacije u oblasti obrazovanja, zaposlenja, penzija i komunalnih usluga su identificirani kao najurgentniji prioriteti. Sve ove oblasti utječu na mogućnost održivog povratka i života običnih

Bosanaca i Hercegovaca. Grupa za zaštitu ljudskih prava je razmotrila i usaglasila konkretne načine na koje se može postići napredak. Aktivnosti će uslijediti.

Wolfgang Petritsch je istakao da odgovornost za zaštitu i promoviranje ljudskih prava leži na državi i njenim predstavnicima, dužnosnicima Bosne i Hercegovine. Stoga, izgradnja državnih struktura i institucija koje postuju ljudska prava i vladavinu zakona i dalje predstavlja visok prioritet. Neovisno sudstvo i profesionalizam lokalne policije su od neprikosnovenog značaja. Jačanje domaćih institucija za zaštitu ljudskih prava, kao što je institucija ombudsmena, kao i građanskog društva, je od vitalnog značaja za održivost rada koji je već u toku.

Prioriteti i preporuke Grupe za zaštitu ljudskih prava, koje su podržane na ovom sastanku, dostupne su u Uredu Visokog predstavnika, i biće distribuirane u cijeloj BiH.